

金陵勝蹟志卷九

園墅

上海胡祥翰寄凡輯

城中路

隨園 在小倉山〔待徵錄〕隨園有二一為焦茂慈之園顧文莊詩云常憶牛鳴

白下城宋朝宰相此間行應在東冶亭左右袁太史詩話誤作東橋詩一為隋織造之園在小

倉山則袁太史所得而增飾者也因山作基引流為沼蒔花種竹饒有古趣有香

雪海因樹為屋蔚藍天羣玉山頭諸勝乾嘉諸老觴詠其間稱極盛焉〔石城山

志〕四山環抱中開異境樓臺皆依山構造如梯田狀雖屋宇鱗次而占地無多

四圍咸依峭壁不設牆墉入園必循山坡迤邐而下固天然形勢也今則平原一

片雙湖水僅一泓可辨以外絕無坡陀處相傳洪寇因糧餉告乏填平洞壑資田

以供給偽王府之食米及克復後復有棚民墾種山穀其土日墜日高遂不能按

圖而考其迹矣何紹基隨園乾嘉風雅萃隨園詩畫淋漓紫雪軒遺塚荒涼無可覓倉山何處託吟魂一自注昔至紫雪軒詩畫尚滿壁今並遺塚

無人識

詩之窟 舊有獅子窟在小倉山旁鬪雞牖山內寺額為董思翁書相傳思翁曾讀

書其中其旁林塘深秀陽湖湯貞愍公構屋作園題曰詩之窟咸豐中粵寇陷金

金陵勝蹟志

卷九

園墅

陵公投池死因瘞園中以藤杖殉藉為他日之驗迨江南平後將改葬啓土視之

則藤繞其尸如棺亦一奇也黃鼎文韻湯雨生先生獅子窟別墅落成原序云園通寺左有園可四五畝偶然得之中多果木左右二

溪養魚種菱東為鍾山面山結廬又前遊西山村落得詩有誅茅意乃與此景悉合殆前緣耶此地古名獅子窟廬成即以額之〔詩略〕

繼園 舊在北城卽珍珠橋大倉園一帶地是也園主李氏元伯在清嘉道間富甲

一城園中奇石嘉卉亭臺樓閣為金陵一時名勝記中所謂樓閣工於徐郭樹石

擬之黃王園林之盛已可想見

愚園 俗稱胡園以其為金陵胡煦齋太守所建也在鳳凰臺花盞岡東南中匯大

池周以竹樹因高就下置亭館數十所正廳後疊石為小山嵌空玲瓏極臻其妙

升高入險變幻莫測蓋踞地不及畝許而曲折回環嵯峨欹奇有出人意表者廳

側有精室曰水石軒小坐其中令人意遠廳外護以石欄欄外有方塘名曰秋水

碧波漣漪紅蓮芳馥石欄西一小徑循徑左則一水榭右為菊山山椒有合抱之

古松數百年物也松之旁有古石矗立望之作老人微步狀相傳為六朝遺迹山

之背竹籬茅舍雞犬桑麻居然村居風味名曰城市山林迤東卽家祠有閣曰棲

雲地極幽僻再東有海棠八九株為春睡軒稍南竹深處有小屋數椽名曰竹塢

再南有土阜一上有樓額曰懷白可遠眺〔張廣雅〕云有六朝石宋人題字曰

劉季高甫徘徊其旁紹興丙申十月乙亥十六字或謂即張垂崖之醉石云

集胡園作城中佳勝眼為波聊覺胡園水石奇碧蕊紫黃春自暖疊巖復徑客何之閒間簪履相娛地歷歷乾嘉最盛時殘月樓楹魚影亂真成醉倒習家池

半野園 在東倉巷為詩人劉必暉之孫夢芳所築園中有秋水堂青松白石山房

梅花書屋積翠軒因山樓愛夕亭衆香亭野航宛轉橋荷池諸勝夢芳亦工吟咏

隨園袁枚亟賞之觴詠往來為一時之盛今圯

春水園 在盧妃巷周保緒春水園詩序甲申四月始買金陵江氏致園易其名

曰春水園中之勝曰冲抱堂背倚修竹面環叢桂堂西曰味雋齋宣石虎踞古藤

鳳騫曰遠風樓遙攬幕府近挹雞籠曰春水懷人之舍方塘鏡涵危磯鷺立南為

介山山有亭曰介亭清涼西市牛首南朝紫金覆舟鎮其丑良青龍黃土帶其辰

巽曲池三疊浸其麓喬林四起蔭其巔陟山南下曰綠波畫舫垂絲拂衣怪峯拱

袂轉而東曰水樂軒小橋乍通游魚可數轉而北曰來鷗館疎梅覆水連梧入雲

曰爽來閣高柳歸涼丹楓送夕轉而東曰貯素樓朝霞浸檻圓月洞窗曰珍叢館

丹萼連躋翠條遠翥曰止庵余所偃息也鹿籬縈碧淺沼浮香今廢

紅雪樓 在雞鳴山麓為蔣心餘別業久圯

韜園 為蔡和甫侍郎所建後臨青溪迴環合抱頗饒勝趣園之外觀半宗西式後

金陵勝蹟志 卷九 園墅

為桃園種桃數千本花時燦爛如錦元都觀裏不是過也侍郎歿後家漸式微遂

入於官

倉園 在復成橋畔為郡人仇徠之所建因係倉基故名構築樸古而林木甚盛蒼

翠之氣撲人眉宇左臨青溪地勢亦佳散原精舍詩集主人言初臺之勝在

游舫為復成橋所隔得避喧聒黃協填遊倉園小倉山翠撲額垣中有園林舊姓

路東西萬綠陰中曉霧迷行過柳門人不見一雙公鳳隔花啼鬢堆茉莉扇玫瑰

理曲無煩阿母催橋影貼波眉月瘦有人徐蕩畫船來主人精崑曲青樓妙妓

每蕩小舟赴園中就學橋影瘦於眉樣月笛聲淒入鬢邊霜書室中聯語也浮

千頃堂 在斛斗巷後為黃徵君虞稷宅藏書甚富久圯

散原精舍 在復成橋畔為義寧陳伯嚴別業水木明瑟不聞市囂兼城市山林之

妙近聞已易主矣

商園 在復成橋南與倉園隔水相望園內花木成叢亦饒雅趣其旁屋即商品陳

列所羅列各省土產以供人研究者

秀山公園 在商園南民國癸亥齊督軍撫萬為追念故督李英威而建也構築半

仿西式有英威閣上蓋琉璃翠瓦頗稱壯麗閣前銅像巍然刊石為銘並有紀念

碑一座嚴修題贊其上有歷史博物館書報閱覽室可任人參觀者

薛廬 龍蟠里之側有烏龍潭風景爲西城冠山水清澈花木扶疏郡人夙號爲小

西湖全椒薛慰農掌教惜陰時在此拓地三弓築廬數椽屋不多而結構頗佳地

不廣而部置得宜迴廊曲榭連綴無痕稱勝地焉〔益山志〕有永今堂冬榮春

妍之室雙登瀛堂仰山樓吳甄書屋寤園美樹軒左文襄有記夕好軒蟄齋半潭秋水

一房山諸勝時人有薛廬十詠光緒七年總督劉公又爲桑根先生建宛在亭或

曰卽明肥月亭址先生題今各亭在烏龍潭前有木坊榜曰何必西湖其地之勝

可以想見後卽其地改薛祠今已失修令人不免有宋公舊池館之嘆矣張之洞薛廬人

愛顏魯公池古澤不竭天憐薛夫子分此地幽絕閉山籬門內貯水臥榻側貧士

生巧思一壘遂專得吟詩構杜堂問字比楊宅雖無五松雅猶勝倉山熱路荒花

竹鬪家索藩牆缺溪亭徒兀兀無梁不可涉自杜影前香懷然懷抱別常恐嘯詠

事後起遂銷歇戴啓文過薛廬二首早脫朝衫晚著書風流儒雅有誰如清涼

山下西湖上贏得千秋兩薛廬水木清華遠俗塵園林訪舊黯傷神成仙老鶴不

飛去寂守荒莊戀故人張謇薛廬喜晤石公敬懷桑根先生邂逅會無約羈縻

尚此才文章池館許風日酒尊開便使登三策都應感入哀永令堂下路落葉浩

成堆顧雲薛廬一卷山齋自可親宵闌漏下且逡巡寒光迸皎中天月迥立忘

言獨夜人鶴夢警霜詩共嶠林陰度水畫難敘會聞舉世嗟皆濁此地何嘗有

塵

琴隱園 在紗帽巷亦湯貞愍公別業有十二古琴書屋琴清月滿軒畫梅樓還讀

我書齊延綠山房商彝周敦漢瓦晉甄之室雞鳴長伴讀書齋凌雲閣幽篁裏五

十年尙友之齋默龕琴臺百步廊黃花徑梅門藤幄薛荔柏戲鴛鴦池度鶴橋鸚

鵝冢凌雲峯十三峯七賢峯諸勝公後殉節於獅子窟池而此園亦蕩然矣

青峯草堂 在陶谷爲錢叔美別業陳曼生題額陳雲伯又爲營松風閣久圯

小卷阿 在薛廬北道光時邵陽魏刺史源購其地爲池館弗果後其子姓築數椽

居之門外修竹千竿亦頗得幽趣也

瞻園 在今江蘇省長公署本徐中山園清高宗南巡會此駐蹕〔金陵志地錄〕

園以石勝清改爲藩署園亭悉仍其舊〔江南好詞〕咸豐元年忽生瓊花一朵

花類梔子瓣如玉莖如碧玉形諸歌詠〔鍾南淮北區域志〕咸豐中毀亂後重

建非復前規矣〔張廣雅〕云李雨亭官布政使時題曰靜妙堂有普生泉戊戌

夏秦淮斷流而此井不涸感仲交金陵泉品未收俗傳徐達女妙錦不受文皇聘

投此井死因封閉其實非也錢辛楣曾有文辨之

案東城志略稱堂子巷亦有瞻園秦殿撰大士歸老後居之取歐陽永叔瞻堂玉

堂如在天上之意又案俗傳普生泉事可參看祠宇皇姑庵

鼓樓公園 卽就鼓樓略事修葺旁疊假山間以樹木樓之西北隅增建一亭四無

牆垣遊人可隨意休憩登樓遠眺江山如畫極遊觀之勝

五松園 一名五畝園爲孫淵如別業廳壁有蘭亭石刻〔白下瑣言〕孫伯淵師

後買皇甫巷司馬河帥宅亭館池樹布置有法名曰冶城山館甲戌後復就內圃

隙地纍石穿池蒔花種竹大興土木逾年而成門前設書肆曰窺園閣廳事面南  
曰廉卉堂唐仲寬題旁通高臺鍾阜在望曰大觀臺石韞玉題西南隅竹籬茅舍  
寒菜一畦曰蔬香舍姚鼐題賓朋讌集歲無虛月〔冶城集〕五畝園有小芍坡  
蒹葭亭留餘春館廉卉堂枕流軒窺園閣蔬香舍綠斐茨映雪亭鷗波舫奧室嘯  
臺諸勝主人皆有題詠後俞陶泉太守改築鳳池書院爲童生肄業之所咸豐後  
廢郭慶題伯淵觀察五松園圖蒼髯五叟更精神中有先生杖履春一畝便成投  
老計百年幾見著書人大夫爵亦隨時拜章偃圖看下筆親我欲移家來問字  
肯分黛色到比隣

城東路

陶廬 在湯山爲陶席三別業

城南路

劉園 一名又來園在南門外爲劉舒亭之別墅地當南郭里近長干水石清幽林  
木掩映有凌波仙館雲起樓茶靡廊縈青閣諸勝環溪垂柳與桃林相間春時疑  
若武陵源故向有小桃源之目葉大莊長千里劉氏園與于民官解甚近衝泥往  
遊補官得近雨花臺無主山多對閣開光緒江甯  
丞壁記放衙劉氏小園來 陳三立南城外劉氏廢園度阡穿亂塚倒眼舊過園  
斥廢留枯樹追攀倚斷垣池魚吞石氣籬犬吠詩魂滿抱纖兒恨依稀故國痕

城西路

金陵勝蹟志

卷九

園墅

四

三山二水之堂 在上新河王竹嶼通守所建江帆在望遠趣偏多今廢

麥浪舫 在上新河爲道流朱嶽雲所建四周環以麥田故名前迎牛首右挹三山

極川原之勝包慎伯有題朱嶽雲鍊師麥浪舫圖〔元寧鄉土志〕道士朱福田  
居龍江關朱文公祠善書畫築麥浪齋與諸名士游又能詩有嶽雲詩鈔刊行鼎  
人曰過麥浪舫喜嶽雲病起問訊病已釋心顏不覺開酒壚知己散人日訪君來  
久話醉還酌相看鬢各摧一般生意足笑指北窗梅